

Aen Yizsiz Fat Gij Ciengj Eu Fwen Lwnhrox Cawzdaez “Fwen Biengz Gvangjsih Gyo’mbaiq Dangj” Youq Nanzningz Guh “桂韵民歌颂党恩”广西山歌主题宣传活动颁奖典礼在南宁举行

Bonjbauq siusik (gicej Vangz Yinz) 1 nyied 6 hauh, Aen Yizsiz Fat Gij Ciengj Gvendaengz Hozdung Angqhoh Cunghgoz Gungcanjdangj Laebbaenz 100 Hopbi——Eu Fwen Lwnhrox Cawzdaez “Fwen Biengz Gvangjsih Gyo’mbaiq Dangj” youq Nanzningz guh, baez hozdung neix youz Swcigih Minzcunghveij cawjbanh、Gvangjsih Sam Nyied Sam Cazcise caeuq Gvangjsih Hungsuijhoz Vwnzva Lijyouz Gunghshw doxgap ciepbanh. Baez hozdung neix gungh soucomz ndaej 63 cuj 1260 lai hot fwen, gungh bingz 2 aen cozbij ndaej itdaengjciengj、5 aen cozbij ndaej ngeihdaengjciengj、8 aen cozbij ndaej samdaengjciengj. Ndawdoz dwg yizsiz baez fatciengj neix.



Lungzswng: “Hawj Vunzlai Cungj Nyinhrox Cunghvaz Minzcuz Caemh Ranz Ndeu” Nyez-rauh Gyauyuz Lenzmungz Venj Baiz Laebbaenz

龙胜：“铸牢中华民族共同体意识”青少年教育联盟正式挂牌成立

1 nyied 6 hauh banhaet, aen yizsiz venj baiz Lungzswng Gak Cuz Swciyen “Hawj Vunzlai Cungj Nyinhrox Cunghvaz Minzcuz Caemh Ranz Ndeu” Nyezrauh Gyauyuz Lenzmungz youq Lungzswng Cin Daihngeih Siujyoz guh. Aen yienh neix doengh boux lingjdauj gvensaeh camgya baez hozdung neix. Ndawdoz dwg gyoengq vunz camgya yizsiz doxcomz ingjsiengq. (Fan Cenyz/范茜怡)

Yungzsuij: Dajndaem Gova Hawj Mbanj Gyaau 融水：种花植树美乡村

1 nyied 6 hauh, Yungzsuij Myauzcuz Swciyen Gijveij Genhveij、Fulenz caeuq Vaizbauj Cin Dangjveij Cwngfuj daengz Dugenh Vahbingz guh hozdung ngoenzdangj cawjdaez dajndaem gova hawj lajmbanj gyaau; 3 aen danhvei gungh miz 130 lai boux dangjyenz、bouxmehmbwk gag nyienh fugsah guhdoi gaem canj、vat gumz、demz namh, ndaem 2000 lai go faexlwg dugenh, baenzneix ciepcoux ndwen cieng moq, ok rengz coengh guh hoengh lajmbanj. Ndawdoz dwg gyoengqde ndaem faex. (Lungz Linzci/龙林智)



Gojgaeq Dinj Minzcuz Doxgiet Baenaj Laeng Gvangjsih 广西民族团结进步小故事

Vanj Lozswhfwnj Iqetet Gyonj Miz Minzcuz Doxgiet Hungloetloet(1) 小小螺蛳粉书写民族团结的大惊奇(1)

Lozswhfwnj(faenjlwgsae) dwg 20 sigij 70 nienzdaih satbyai caeuq 80 nienzdaih codauez youz doengh boux mehmbwk siujsoq minzcuz Liujcouh Gujbuzaigaih cau’ok, daj dah Loz daengz nax Vangz, daj mehbus Veiz daengz yahgeq Lanz, gyoengqde cungj dwg “daxmeh lozswhfwnj”. Vanj lozswhfwnj iqetet dwg yiengh doxgaiq gyonj miz gij vwnzva gwnndoet lai minzcuz laeng Gvangjsih, miz cingz minzcuz doxgiet noengznwd, mboujdan

miz gij lizsij gaeuqgeq boux vunz ciuhgeq Liujcouh couhdwg “Vunz Liujgyangh” “gwn sae”, lij miz gij cojcienz vwnzva vunz siujsoq minzcuz baihnanz lumj Bouxcuengh、Dungcuz、Myauzcuz daengj “gwn soemj”, youh miz gij vwnzmingz “haeuxnaz” minzcuz gangj Vahcuengh Vahdung, caiq lij yungh gij dinfwnz gwnndoet Bouxgun Cunghyenz. De dwg gij dinfwnz guhmienh Bouxgun baihbaek caeuq gij sibgvenq gwnndoet

cojcienz siujsoq minzcuz lumj Bouxcuengh、Yauzcuz、Myauzcuz、Dungcuz daengj doxgyaux cix cauhaenz yiengh doxgaiq ndeindet neix. Yiengh doxgaiq miz haujlai vwnzva doxgyaux habngamj baenzgwn dangqmaz neix, hawj Siz Ginbingz cungsiuhgi nyaenx mbouj ndaej “coengh gangj” Liujcouh lozswhfwnj. (Gvangjsih Minzcuz Yenzgiu Cunghsinh hawj gauj)